

"MAÑAN A NOCHI 8:00 P.M. PRIME TIME,**ShowTime**

E unico berdadero **Show Musical** na Papiamento na **Canal 13 & 23**, lo presenta e di dos parti di e exitoso produccion directamente for di **"HIT & RUN".**

Aruba.....Bo no por perde esaki....
No tin comparacion nos ta keda semper e #1 na Televisicon".

Buki di Poesia "Milagro" ta dedica na Zuster Juliette



ORANJESTAD (AAN) -- Den entrevista cu DIARIO, Belen Kock-Marchena a conta nos cu na final di aña escolar '94 Zuster Juliette cu lo a bay cuminza prepara e temanan di e Aña Di catishashi cu a worde introduci na schoolnan basico, a acerca su persona cu un encargo: skirbi poesia pa profundiza riba cada tema di luna pa e aña escolar nobo.

"Mi a splica Zuster Juliette cu pa

mi ta dificil pa skirbi riba encargo y mi ta skirbi ora mi haya inspiracion. Zuster Juliette a contesta mi -Esun cu a manda mi cerca bo, lo inspira bo tambe-. Pues Dios, lo duna bo e inspiracion". Belen Kock-Marchena hasta a lubida e temanan cu Zuster Juliette a laga pe. Esey a sosode net ora e tabata preparando viahe pa Hulanda pa bay bishita su dos yiu cu ta studia aya.

"Na Hulanda a sosode algo hopi impresionante cu a inspira mi pa mi skirbi un poema. Pa mi loke a pasa tabata un milagro!

Mi a yama e poema "Milagro". Belen a bolbe Aruba pero den su memoria no tabata presente e peticion di Zuster Juliette. Pero e si no a lubida y a bin puntra Belen si e tin algo cla pe.

"E ora ey mi a sugeri pa e acerca otro persona pasobra mi no por skirbi riba encargo pero solamente riba inspiracion na un momento determina, cu por ta hasta den madrugada. Loke si mi a haci ta comparti e poesia cu mi a yama "Milagro" cune.

Zuster Juliette a gusta e poesia asina hopi cu el a use como "tema di aña".

E COINCIDENCIA

Prome cu Zuster Juliette a cera conoci cu e poesia "Milagro" a surgi un casualidad dificil di splica. Ta asina cu el a acerca e pintor Sonia Lemminga y a pidi'e pa pinta un cuadro unda e ta refleha kico ta un milagro.

Tabata durante un Santo Sacrificio di Misa special cu nan a topa otro y Belen a wak riba foyeto e cuadro di Sonia y banda di dje su poema. E pintura tabata un baranca cu a pari un bunita flor. Belen a kere cu e cuadro tabata tin di haber cu e poema, pero

solo tabata un coincidencia, pasobra e pintor a lesa e poesia ey pa prome biaha den misa, y Belen a mira e pintura pa prome biaha tambe. Pues tur cos a sosode manera un berdadero milagro.

E OBRA NOBO "MILAGRO"

Tabata na e momento ey cu Belen Kock-Marchena a sinti manera ta Dios a traha e caminda pa e skirbi riba diferente tema cu por a worde usa pa e temanan di Zuster Juliette, cada un di e diez lunanan di aña escolar. Asina tambe a nace e obra nobo yama "Milagro".

"Mi a yama mi segundo buki -MILAGRO- pasobra mi nunca lo a kere cu mi por a skirbi tanto poesia den un aña.

E obra ta consisti di 15 poesia cu su traduccion na Idioma Ingles, loke ta haci un total di 30. Tambe pasobra mi no tabata sa cu mi por a yuda hende cu mi inspiracion y cu loke mi ta skirbi por yega na curazon di otro sernan humano y cu nan ta sinti'e manera mi a skirbi pa nan".

DEDICA NA

Segundo produccion di Belen Kock-Marchena

OBRA LITERARIO "MILAGRO" TA WORDE BATIZA AWE!

ORANJESTAD (AAN) -- Awe, diasabra 12 di Juni, den oranan di anochi, Seaport Conference Center ta bisti di gala pa ricibi Sra. Belen Kock-Marchena, su famia, y varios invitado, pa celebra hunto e batizamento di e di dos buki di Poesia publica pa Belen Kock-Marchena. Esaki despues cu el a publica su prome obra poetico "Vibracion" tres aña pasa.

Su di dos obra ta hiba como titulo "MILAGRO" y e ta dedica na Zuster Juliette, un persona cu tin hopi di haber cu e realizacion di e buki aki.

E batizamento lo worde haci na un manera diferente, pues envez di champagne lo tira flor. Esaki door di Laurita cu ta nieto di Dolfi Kock y Belen Kock-Marchena, y un sobrineta yama Jenniree. Madrina di e buki: Sra. Digna Lacle-Herrera.

Yaya di e buki ta Ria Petrona. Tin un bunita programa durante e anochi importante aki pa nos

ZUSTER JULIETTE

Belen Kock-Marchena ta sinti cu Zuster Juliette ta e pieza clave den e produccion di su di dos obra literario aki, y pesey e ta dedica e buki na dje. Pero tambe pasobra Zuster Juliette ta un religioso cu no ta haci distincion cu ningun hende. E tey pa scucha, yuda y compronde tur ser humano cu ta bin cerca dje, no importa ki religion e tin, e ta habri pa tur persona.

Belen Kock-Marchena a conta nos cu Zuster Juliette ta un gran escritor, pero tras di cortina, pasobra e no ta "durf" di publica su interesante trabao.

SATISFACCION

Finalmente Sra. Belen Kock-Marchena a menciona cu awenochi lo ta uno hopi special pe, pasobra su mama cu a cumpli 91 aña di edad lo ta presente, mescos cu su suegra tambe lo ta den sala pa dune apoyo. Tambe su rumannan cu semper ta cla pa sostene den tur cos. Y logicamente su casa y su yiunan cu na tur momento ta dune tur respaldo y como un famia armonioso a traha hunto cune den e preparacion di e buki y preparacion di e ceremonia di awe.

mundo literario en general y famia Kock y Kock-Marchena en particular, pero esaki lo keda un sorpresa pa e invitadonan.

E portada di "Milagro" ta un pintura di Sonia Lemminga, ilustracion ta creatividad di Nagel Mathew. Traduccion di e buki di Papiamento pa Ingles: Maddona Stephens, ken a haci un tremendo trabao. Arte diseño den computer: Raffy Kock.

GRADICIMENTO: Sra. Belen Kock-Marchena tin palabranan di gradicimento pa Zuster Juliette pa su apoyo y sosten, Nidya Ecury cu a dune "feed back"; su casa Dolfi Kock y su yiu Raffy kendenan a yude puli e poesianan, su yiunan Romeo y Richi. Tambe na UNOCA, GP3, First National Bank, y VAD cu ta e compania unda e buki a ser imprimi.

Dia 15 di juni awor e buki por worde busca den e diferente librerianan local.